



Broj: 10/E-11-2498/24
Sarajevo, 24-05-2024. godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14 i 59/22) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova II, imenovana rješenjem Općinskog načelnika broj: 10-45-237/24 od 25.03.2024. godine (u daljem tekstu: Komisija II), u postupku javne nabavke sredstava za čišćenje i održavanje higijene zgrade Općine Centar i mjesnih zajednica, putem otvorenog postupka, uz primjenu e-aukcije (Zapisnik o pregledu i ocjeni ponuda broj: 10/E-11-2498/24 od 17-05-2024. godine), Opštinski načelnik d o n o s i:

ODLUKU O IZBORU NAJPOVOLJNIJEG PONUĐAČA

- I.** Prihvata se ponuda prvorangiranog ponuđača „**DEFTER**“ d.o.o. Sarajevo, ulica **Gatačka broj 20, 71 000 Sarajevo**, broj: 234/2024 od 29.04.2024. godine, za nabavku sredstava za čišćenje i održavanje higijene zgrade Općine Centar i mjesnih zajednica, putem otvorenog postupka, uz primjenu e-aukcije, u ukupnom iznosu od **33.988,10 KM bez PDV-a, odnosno 39.766,08 KM sa PDV-om**.
- II.** Izabrani ponuđač dužan je dokaze iz tačke 7.1. i 7.1.2. tenderske dokumentacije (Lična sposobnost), u skladu sa članom 45. Zakona o javnim nabavkama, dostaviti najkasnije u roku od **5 (pet) dana** od dana prijema ove Odluke na Protokol Ugovornog organa (originalne ili ovjerene kopije).
- III.** Ugovorni organ će sa izabranim ponuđačem zaključiti Okvirni sporazum na period do 31.12.2024. godine, kojim će regulisati međusobna prava i obaveze u vezi predmetne nabavke, shodno zahtjevima ugovornog organa i zakonskim propisima.
- IV.** Ova Odluka se dostavlja ponuđačima koji su učestvovali u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- V.** Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

Образложење

Postupak za javnu nabavku sredstava za čišćenje i održavanje higijene zgrade Općine Centar i mjesnih zajednica, pokrenut je Odlukom Opštinskog načelnika o pokretanju postupka broj: 10/E-11-2498/24 od 10.04.2024. godine, putem otvorenog postupka, uz primjenu e-aukcije. Obavještenje o nabavci broj: 848-1-1-15-3-43/24 od 11.04.2024. godine objavljeno na Portalu javnih nabavki. Sažetak Obavještenja o nabavci objavljen u „Službenom glasniku BiH“ – Oglasnik javne nabavke, broj 27/24.

Procijenjena vrijednost javne nabavke iznosi 34.180,00 KM bez PDV-a, za cijeli period trajanja Okvirnog sporazuma.

U roku za predaju ponuda koji je određen tenderskom dokumentacijom (06.05.2024. godine do 11:00 sati), na adresu Ugovornog organa blagovremeno su dostavljene 3 (tri) ponude, i

to od ponuđača: 1. „AERO-EXCLUSIVE“ d.o.o. Sarajevo; 2. „DEFTER“ d.o.o. Sarajevo i 3. „INTER-COM“ d.o.o. Zenica.

U skladu sa članom 63. Zakona o javnim nabavkama (u daljem tekstu: Zakon), Komisija II je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitane su cijene ponuda, kako slijedi:

R/b	Ponuđač	Ukupna cijena (KM) bez PDV-a	Popust	Ukupna cijena (KM) sa popustom i bez PDV-a
1.	„AERO EXCLUSIVE“ d.o.o. Sarajevo	33.998,82	/	33.998,82
2.	„DEFTER“ d.o.o. Sarajevo	33.988,10	/	33.988,10
3.	„INTER-COM“ d.o.o. Zenica	34.100,00	/	34.100,00

Nakon izvršenog javnog otvaranja ponude, na zatvorenom sastanku Komisija II je pristupila detaljnom pregledu i analizi dokumentacije priložene uz ponude, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacije ponuđača; ocjene tehničke prihvatljivosti ponuda, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima.

Uvidom je Komisija II ustanovila da dostavljene ponude ponuđača „AERO-EXCLUSIVE“ d.o.o. Sarajevo, „DEFTER“ d.o.o. Sarajevo i „INTER-COM“ d.o.o. Zenica ispunjavaju formalno-pravne, ekonomske i tehničke uslove, odnosno da ispunjavaju zahtjeve ugovornog organa iz tenderske dokumentacije za predmetnu nabavku, te da su iste prihvatljive.

Komisija II je u daljem radu izvršila računsku provjeru svih dostavljenih ponuda i konstatovala da je u ponudi ponuđača „DEFTER“ d.o.o. Sarajevo uočena računska greška u Obrascu za cijenu ponude - robe (Aneks 2.) za stavku pod rednim brojem 15., gdje je pogrešno upisan iznos u koloni „Ukupno KM po stavki bez PDV-a (4x5)“.

Naime, na stranici broj 9 numerisane od strane ponuđača, odnosno na stranici broj 17 tenderske dokumentacije za stavku pod rednim brojem 15. pogrešno je upisan iznos 145,88, a treba da stoji iznos 145,80 nakon ispravne računске radnje množenja date jedinične cijene 12,15 sa količinom 12 komada.

Uočena računska greška nije uticala na ukupnu cijenu ponude ponuđača „DEFTER“ d.o.o. Sarajevo.

S tim u vezi od ponuđača „DEFTER“ d.o.o. Sarajevo traženo je pismeno izjašnjenje o prihvatanju ispravke računске greške.

U ostavljenom roku ponuđač „DEFTER“ d.o.o. Sarajevo je dostavio pismeno izjašnjenje o prihvatanju računске greške u Obrascu za cijenu ponude - robe (Aneks 2.) za stavku pod rednim brojem 15.

Nakon toga, Komisija II je izvršila zakazivanje predviđene e-aukcije, koja je održana dana 13.05.2024. godine sa početkom u 13:00 sati. U periodu održavanja e-aukcije (od 13:00 do 13:10 sati) ponuđači nisu podnosili nove cijene, izmijenjene naniže u odnosu na početne cijene primljenih ponuda, tako da se dostavljene ponude nisu mijenjale.

Na osnovu Izvještaja o toku i završetku e-aukcije od 13.05.2024. godine, izvršeno je rangiranje prihvatljivih ponuda prema kriteriju za izbor ponude „najniža cijena“ u skladu sa članom 64. stav 1. tačka b) Zakona o javnim nabavkama, kako slijedi:

RANG	PONUĐAČ	Ukupno bez PDV-a
1.	„DEFTER“ d.o.o. Sarajevo	33.988,10
2.	„AERO EXCLUSIVE“ d.o.o.	33.998,82
3.	„INTER-COM“ d.o.o. Zenica	34.100,00

Komisija II je u daljem radu donijela jednoglasnu odluku da se Opštinskom načelniku dostavi

PREPORUKA O PRIHVATANJU PONUDE

Prvorangiranog ponuđača „DEFTER“ d.o.o. Sarajevo, ulica Gatačka broj 20, 71000 Sarajevo, broj: 234/2024 od 29.04.2024. godine, za nabavku sredstava za čišćenje i održavanje higijene zgrade Općine Centar i mjesnih zajednica, putem otvorenog postupka, uz primjenu e-aukcije, u ukupnom iznosu od **33.988,10 KM bez PDV-a, odnosno 39.766,08 KM sa PDV-om**, sa kojim će se zaključiti **Okvirni sporazum na period do 31.12.2024. godine.**

Opštinski načelnik u postupku ocjene nije našao razloge niti nepravilnosti u radu Komisije II koji bi eventualno bili osnov za neprihvatanje preporuke Komisije II, te je odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema iste, shodno članu 101. Zakona o javnim nabavkama.

Naknada za pokretanje žalbenog postupka iznosi 500,00 KM u skladu sa članom 108. stav (1) tačka a) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri.



OPŠTINSKI NAČELNIK

Srdan Mandić

Prilog: Zapisnik o pregledu i ocjeni ponuda
broj: 10/E-11-2498/24 od 17-05-2024 . godine

DOSTAVITI:

1. „DEFTER“ d.o.o. Sarajevo, ulica Gatačka broj 20, 71000 Sarajevo
2. „AERO-EXCLUSIVE“ d.o.o. Sarajevo, ulica Kolodvorska broj 12, 71000 Sarajevo
3. „INTER-COM“ d.o.o. Zenica, ulica Vrandučka broj 71b, 72000 Zenica
4. Službi za zajedničke i tehničke poslove
5. Kabinetu općinskog načelnika – Odsjek za javne nabavke
6. Službi za finansije
7. U spis